

居處悉皆充滿

樓炭經卷第五

容五

撲杖上竹下灰反來燒乃音遶又涕忍上作涕助交  
也跳上居條音蔡胞上薩音矛箭上莫弓弩下乃反  
谿谷上溪字賈貸上古買反麋鹿眉上音點閑八反

藏匿下尼力反果蓏下曾果反畦中上音携均穀上洪勾反鑿  
地昨音極抄掠上楚教反割獸上初狀反  
摩醯下呼那衍演音簸糞下音簸涕下歷反吹撓  
息高呼軟反漬溺上在奴月反洗蕩下作溫誤喘

樓炭經卷第六

容六

西晉三藏法師法立共法炬譯

天地成壞品第十三

佛告比丘天地破壞更始成之後人皆在第十五阿衛貨羅天上其天上人以好喜作食各自有光明神足其壽甚久長佛告比丘時

其水滿天下地亦時無有日月亦無星宿無有晝夜亦無一月半月亦無年歲窈冥冥盡者從阿衛貨羅天上来下遊此間地亦以好喜爲食各自有光明神足飛行在其人間壽甚久長時天下人甚端正姝好不別男女亦不可別君長庶人民但共衆俱往還

佛告比丘時地上自然生地味譬如白酥上肥其地味色如是也其味譬如蜜時有一異嗜味人心念言我欲試以指取地味嘗之知何等類其人便以指取地味嘗之甚喜嗜之如是嘗至三返遂喜即復撮滿手食之餘人見已便効以手撮取地味而食之人食是地味之後身即鹿堅面色變惡云失光明神足不能復飛行上天天下復如故天下窈冥冥冥天下窈冥冥之後法當有大黑風起吹入大海水波三百三十六萬里取日月大城郭上須弥山邊百六十八萬里著日月城郭

道中用是因緣天下有日月也

余時日大城郭從須弥山東出遶須弥山西入圍遶復從山東出遶須弥山西入時人有言是昨日日也或有人言非是昨日日者日城郭復從須弥山東出如是三返遶須弥山西入余時人言是昨日日也或有言非是

昨日日也日城郭復從須弥山東出如是三返遶須弥山西入余時人言是昨日出者也是故謂言日也日有三事一者出照現城郭二者沒不現其宮殿正四方圓其光明照周而是故圓以天金水精淨潔作城郭彼二分一分者清淨金光無瑕穢無垢濁光明照曜一分者水精潔淨無瑕穢無垢濁放光明日大城郭廣長各二千四十里高下亦等城中有金樓觀宮殿名闍浮清淨高六百四十里廣亦六百四十里闍浮樓觀宮殿中有日天子座廣長各二十里以天七寶金銀琉璃水精赤真珠碑磲瑪瑙作之日天子一身皆出

卷六

二

光明照闇浮宮殿闇浮宮殿之光明照太城郭大城郭之光明下照四方日天子不念言我爲行不行也常以五樂自娛樂快樂日天子有無央數天在前導快樂無極前後導從御行是故謂爲御日天子其城郭以七寶作七重壁七重欄楯七重交露樹木園觀浴池有青黃赤白蓮華中有種種飛鳥相和而鳴日天子壽天上五百歲子子孫孫相襲代極竟畢一劫日天子城郭下出五百光明周而復有五百光明是爲千光明善因緣所致復何從得千光明善因緣以何致之用照天下令人民見其光明已能成爲諸事何以故人

民見其光明已能成其諸事耶若有布施與沙問道人及貧窮乞匂者衣被飲食車馬六畜香薰華鬘牀卧房室舍宅燈火所求索即疾與不逆人意常不斷截無厭極施一心施後不悔也令道人清淨奉真法歡喜用是使安應意定得無央數善行譬如轉輪王初立

爲尊其意歡喜無央數

佛言如是也若有人布施沙門道人及貧窮

乞匂者衣被飲食車馬六畜香薰華鬘牀卧房室舍宅燈火所索不逆人意不斷一心施後不悔令清淨道人奉尊法用是歡喜使安隱意得無央數善行其人命盡死往至安隱

容六

三

處即生日天子所使疾得持日城郭其光明照下四方矣是謂爲千光明以善因緣所致復何從得千光明善有十因緣一者不殺生二者不盜三者不犯他人婦女四者不妄言五者不飲酒六者不惡口罵詈七者不兩舌綺語八者不嫉妒九者意不瞋恚十者正見以無央數心念善慈仁身死即生日天子所自然得持日城郭是爲千光明善因緣所致復何從得千光明善因緣一者不殺生二者不盜三者不犯他人婦女四者不妄言五者不飲酒意行無央數善慈仁譬如好地四徼道中有浴池清涼水軟且美周匝種種樹若

有人從暑熱中來飢渴極入浴池中洗浴飲其水彼人意念無央數歡喜

佛言如是也其有不殺盜婬妾言飲酒意念無央數善身死得生日天子所則疾得持日城郭是謂以善因緣所致千光明之曜也何以故日大城郭令天下爲秋冬寒用十三因緣故何等爲十三一者須弥山中間長三百三十六萬里生青蓮華紅蓮華黃蓮華白蓮華甚衆多大香好日大城郭光明照中爲奪其光用是因緣故令日大城郭寒爲秋冬是爲一事二者阿羅陀山中間長百六十八萬里其中生青紅黃白蓮華甚衆多大香好掬日大城郭之光明用是故令日城郭寒是爲二事復次俞安山中間長八十四萬里其中生青紅黃白蓮華甚衆多大香好復掬日大城郭之光明是故天下寒是爲三事復次善見山中間長四十八萬里中生青紅黃白蓮華甚衆多大香好掬日之光明是故令天下

寒是爲四事善見山外次有阿抄波山中間長二十四萬里五阿抄波山後有尼弥陀山中間長十二萬里六尼弥陀後次有比那山中間長四萬八千里七比那山後次有鐵圍山長二萬四千里掬其日大城郭之光明用是故令天下寒爲秋冬是爲八事復次天下

容六

四

流河掬其日大城郭之光明是故日大城郭寒爲秋冬是爲九事復次其河水東流向閻浮利者少流行向俱耶尼天下者多便掬日大城郭之光明用是故天下日寒是爲十事復次河流向俱耶尼者少流向弗于逮者復多彼復掬日大城郭之光明故天下寒是爲

十一事復次河流向弗于逮者少流向鬱單越者復多彼復掬日大城郭之光明用是故大海水寒是爲十二事復次掬日大城郭之光明是故天下日寒有秋冬是爲十三事何因緣日大城郭熱爲春夏有十事何等爲十者須弥山王其邊有山名阿多高百六十

八萬里廣亦百六十八萬里其邊無限其姝好七寶金銀琉璃水精赤真珠碑磲瑪瑙作之彼掬其日大城郭之光明用是故天下熱是爲一事復次阿多山外有山名伊沙多高八十四萬里廣亦八十四萬里其邊無限甚殊好皆以七寶金銀琉璃水精赤真珠碑磲瑪瑙作之掬其日大城郭之光明用是故天下熱是爲二事復次伊沙多山外有山名俞安陀高四十八萬里廣亦四十八萬里其邊無限甚殊好皆七寶作之彼復掬日大城郭之光明故天下熱是爲三事復次俞安陀山外有山名善見高二十四萬里廣亦二十四萬里其邊無限是爲四事復次有山名阿抄尼高十二萬里廣亦十二萬里其邊無限是爲五事復次有山名尼彌陀高四萬八千里廣亦四萬八千里其邊無限是爲六事尼彌陀山後次有山名比那頭高二萬四千里廣亦二萬四千里其邊無限是爲七事次外復

容六

五

有大山名鐵圍高二萬二千里廣亦二萬二千里其邊無限皆以七寶作之日大城郭之光明皆照其上也用是故天下熱有春夏是爲八事復次從此高四十萬里有天神舍以水精作之在虛空中大風制持行之譬如浮雲矣天下人皆共名之爲星宿其大者圍七百二十里中者圍四百八十里小者圍二百四十里日大城郭之光明多彼用是因緣故天下熱是爲九事復次天下地揔日大城郭之光明用是故天下熱爲春夏是爲十事日大城郭有常持風五品一者持風二者住風三者助風四者轉風五者行風是爲五共轉行日大城郭未曾休息時也

佛言余時月大城郭出遼須彌山東行西入光明威神稍減是故名爲月月有三事光明周匝照四方其大城郭四方正圓光明周匝正圓月城郭以天銀天琉璃造作之也月大城郭廣長各千九百六十里高下亦等城中

有月天子琉璃宮殿高六百里廣亦六百里中有月天子座廣長各二十里以七寶金銀琉璃水精赤真珠碑礪瑪瑙作之月天子身一切皆出光明照宮殿宮殿光明出照大城郭城郭之光明下徧照四方月天子不自念言我行不行常以天五樂娛樂快樂月天子前後導從諸天無央數御行常快樂歡喜故名爲御也月天子壽以天上五百歲子子孫孫相襲代其城郭壁以七寶作七重欄楯七重交露七重行樹樹木周匝圍遶皆以七寶造之有園觀浴池中生青黃紅白蓮華種種飛鳥相和而鳴月天子下有五百光明周匝復有五百光明用爲千光明善因緣所致千光明善因緣何從得若有布施沙門道人及貧窮乞匂者衣被飲食車馬六畜香熏華鬘

容六

六

喜無央數佛言如是若有布施沙門道人及貧窮乞匂者衣被飲食及衆用者令得無央數安隱歡喜其人命盡死即生月天子所則疾得持月大城郭是故謂其千光明以善因緣所致復何從得千光明善因緣若有於是不殺盜婬不妄言綺語惡口罵詈兩舌不嫉妬意不瞋恚恩癡行十善事意常歡喜無央數譬如好地四徼道中有浴池水清淨軟且美周而有樹若有人飢渴從暑熱中來入中洗浴飲其水意歡喜無央數

佛言如是若有行十善事者身死即生月天子所則疾得持月大城郭也是謂爲其千光

明以善因緣所致矣復何從得千光明善因緣若有不殺生不盜竊不犯他入婦女不妄言不飲酒其人歡喜身死便生月天子所則疾得持月城郭是謂以善因緣所致千光明六十彈指頃爲切七尺縷切二十一尺爲一時百彈指爲切十尺日大城郭日稍稍南著

容六

七

日初出闇浮利即夜半也弗于逮日中時蠻單越則冥闇浮利日初出俱耶尼則夜半也如是闇浮利人日中東方弗于逮天下人冥西方俱耶尼天下人日出蠻單曰天下人夜半俱耶尼人日中便闇浮利人冥蠻單曰天日出弗于逮天下人則半夜也

佛言月何因緣稍稍現缺減有三事故缺何等爲三一者角行故稍稍現缺減是爲一事二者月大城郭邊有天人其色青衣被瓔珞亦青所可侍面止頓其面則現缺減是爲二事三者日大城郭以六十光明照月大城郭之明所照面其面則現缺減是爲三事日奪

月光明故月何因復現滿具足有三事何等爲三一者月稍行三方用是故月稍現滿是爲一事二者月十五日則諸青色青衣天人入月城中共相娛樂彼時月皆以光明照諸天人譬如衆燈中央然大火其火皆曜衆燈佛言如是月大城郭邊諸天其色青及衣青者月十五日時入與月天子俱相娛樂其光明照諸天人用是故十五日月現滿是爲二事三者月十五日持日以六十光明照月大城郭月不受用是故月現滿是爲三事月大城郭有常持風五品何等爲一者持風二者住風三者助風四者轉風五者行風是爲五風常共行月城郭未曾有休息也月中何因復現乳色有樹名闍浮利是故名此天下爲闍浮利其樹下有山皆以七寶作之高八百里周匝亦八百里其樹高四千里周匝二十里圍五百六十里根深八百四十里其影照現月中故使月大城郭現乳色不明佛告

比丘言族姓子作行當如月照天下棄捐貢高之心遠離種姓常懷慙愧之意闍浮利大樹上其實譬如大瓶其味甜如蜜其色白如酥肥闍浮利大樹北有七重山七重樹有七婆羅門仙人精舍佛言尔時諸人民食其地上味以自生活如是食是地味甚久長壽命無極其有食地味多者面色變惡食少者面色善好其好顏色者便自貢高形笑惡色者以色自貢高相形笑故其地味便減不復生更自然生薄餅其味甚香美不如前地味人共會議愁憂自搏呼嗟啼哭思念前地味甚美而忘失之佛言譬如此間人有甘美味與人嘗之便言其味一何美耶念其味無已尔時人如是失會議愁憂自搏呼嗟啼哭思念前地味時人則復取薄餅食之以自生活如是甚久長其有食地薄餅復多者顏色遂變惡色其食少者顏色善好其好顏色者形笑惡色以色自貢高相形笑故其地薄餅則

復沒不復生更生波羅其味亦香美不如前  
薄餅味譬如枯加藍華其味如蜜余時人共  
會議愁憂自搏呼嗟啼哭念前地薄餅味人  
便取波羅味食之以自生活其壽命甚久長  
其食波羅味多者顏色遂變惡食之少者顏  
色喜好其好色者以色自大貢高相形笑所

卷六

九

致地波羅味便沒不生更自然生粳米其味  
亦香美殊好無穢種種清淨出一切味不如  
波羅味人共會議憂愁呼嗟啼哭念前波羅  
味自搏譬如此間人更毒痛法呼嗟啼哭彼  
時人如是也余時人取食自然粳米食自然  
粳米之後天下變爲男子女人各各相觀便  
起姪欲之意行屏處共作不淨行爲穢濁之  
法矣餘者見之便言汝何作非法事乎人人  
寧當相向作是事耶遠其人去不與談語至  
三二月然後乃呼來相見言昔者人無所著  
今者人稍有所著後便持童女嫁與夫歌舞舞  
戲笑稱願夫婦常使安隱也余時人非法著

姪欲行非法姪欲之後便造舍宅用是非法  
故初起舍宅佛於是說偈言

初時造瞻波國 次起波羅柰城

用是日出光明

然後乃作羅闈

余時人民遂非法著姪欲彼從第十五阿衛  
貨羅天上人其福德薄祿命盡身死來下人

間入母腹中成胚胎用是故女人始懷妊生  
男女時人民共食是清淨粳米以晡時往取  
粳米更生至明旦續生如故明旦往取之至  
暮其粳米生亦如故佛言如是人朝暮穫取  
粳米隨生隨如故不覺不穫取處余時有一  
人心念言我朝暮往取清淨粳米疲勞不如

頓取二日糧便往取之餘者見之呼共往取  
粳米報言我已持二日粳米來卿自隨取之  
余時其人便善之言彼人甚快乃往取二日  
粳米我當復往取二三日粳米也餘人復見  
言共去取清淨粳米其人報言我已取二三  
日粳米卿自隨意取被人聞之則善之自念

當往取四五日粳米即往取四五日清淨粳米來用人相效往取清淨粳米多故然後更生莖穢粳米所取即有處不復生爾時人民皆聚會共議愁憂不樂自椎搏帶哭呼嗟言我昔者以好喜爲食身有光明飛行神足立安隱時地自然生地味甚香美其色譬如白

客六

十

酥肥其味如蜜其愚者取而食之即相效取地味食之皆云失光明神足其食多者顏色變惡其食少者顏色善好顏色好者便自貢高形笑惡色者以相形笑故地味即沒不復生更生薄餅薄餅沒後復生波羅波羅沒盡更生粳米以貢高相形笑故至使令清淨粳

主復見之即復言卿所取大非自置粳米反盜他家如是至再三便以手椎擊牽將去至聚落坐衆人平議言此人自置粳米反行盜他人其盜者對衆人言此久以手椎擊我衆人便共會議愁憂不樂自椎搏帶哭呼嗟言今世間遂生惡不善之法怨結日成惡苦一

客六

十一

人燒已燒已命以有老病死惡道之事人便現受取之事遂相撾捶見已即自訟事衆人便共議當於何所得賢者共立爲君長典主所爲我等所作從其取決若有作非法者當誅罰之我等所種粳米各各當共輸衣食尙時彼衆會中有一人最大尊端正姝好威神巍巍衆人便白其人當爲我等典主作君長所爲從其受言教若爲非法者即當誅罰之也我曹種所收粳米各各供給君衣食是人即言諾便共立爲君長典主一切所爲從其受教若爲非者即誅罰之人所種粳米各各共輸入典主一切教令人民号曰大王以法

取租故名爲刹利用是故天下始起刹利種  
天下所有國皆屬大王時是閻浮利地平正  
無山陵谿谷無有荆棘亦無蚊蚩蚤虱亦無  
礫石地棄捐明月珠玉琉璃金銀大王治閻  
浮利天下時天下富樂熾盛安隱五穀豐熟  
人民衆多地佳好水亦饒多譬喻如酥麻油塗

地不起揚塵生青草衆多周匝正圓其色譬如  
孔雀尾其香如華香也柔軟如綃綻足跡  
上蹈入地四十舉足即還復如故地無四十  
空缺處有香樹瓔珞樹衣被樹不息樹寶樹  
器樹音樂樹樹生華實璧之各各出種種所  
有中有高七聲下至六五四三二一聲者最

子名摩留摩留王有子名精進力精進力王  
有子名堅弓堅弓王有子名十車十車王有  
子名舍羅舍羅王有子名十丈十丈王有子  
名百丈百丈王有子名那和檀那和檀王有  
子名真闍真闍王有子名波延後諸王甚衆  
多諸轉輪王有十種姓一者姓迦奴車二者  
容六十三

姓多盧提三者阿波四者捷陀利五者迦陵  
六者遮波七者拘獵八者般闍九者彌尸利  
十者一摩彌是爲十種姓迦奴車有五多留  
法行奉十善事偏教天下人民使行十善  
事大王哀念天下人民如父愛子天下人民  
敬王如子敬父大王有子名真真王有子名

曰婢婢王有子名頂生頂生王有子名曰庶  
留庶留王有子名和行和行王有子名留至  
留至王有子名日日王有子名波那波那王  
有子名大波那大波那王有子名沙竭沙竭  
王有子名大善見大善見王有子名提燄提  
燄王有子名染染王有子名述留迷留王有

王名大善王人呼爲伊摩伊摩王有子字烏  
獵烏獵王有子字不尼不尼王有子名師子  
師子王有子名悅頭檀悅頭檀王有子名悉  
達菩薩悉達菩薩有子名羅云佛言以是因  
緣從昔至今起刹利種少時人民念言我爲  
著疾病著腫著瘡我欲棄一切著往入空閑  
處廬中坐即棄捨著疾病腫瘡往入空閑處  
坐思念道今日早起明日早起行入丘聚  
落分衛人民見之皆歡喜與之人民便言善  
哉乃棄捨疾病腫瘡捨一切著往入空閑處  
坐思念道佛言此輩但行惡不善之法是故  
謂言婆羅門也少時彼人不能坐禪念道亦  
不能得禪用不能坐禪得禪故從座起入聚  
落中分衛呪願說言不能坐禪亦不能得禪  
故名爲和沙羅是故世間初造起婆羅門種  
也時人民各各奉行種種法用是故世間有  
工師種彼時人各各犯殺生用是故謂言殺

生種也以是因緣世間初造有殺生也用世  
間已造起是四種故然後世間乃起第五沙  
門種也若刹利種身行惡口言惡心念惡行  
是惡已後身死墮勤苦中婆羅門種工師種  
殺生種亦如是若身行惡口言惡心念惡身  
死墮勤苦中刹利種若身行善口言善心念  
善身死復墮樂處婆羅門種工師種殺生種  
其有身行善口言善心念善身死復墮善處  
刹利種婆羅門種工師種殺生種若身行二  
事口意行二事身死墮苦樂中刹利種若有  
除鬚髮被袈裟信道棄家行作沙門奉行三  
十七品經行是已善男子善女人用信道故  
棄家行作沙門行無上清淨事其現在不久  
自以功德作證念道行盡生死具足梵行所  
作已辦不復更餘事婆羅門種工師種殺生  
種若有除鬚髮被袈裟行作沙門奉行三十  
七品經用善男子信故捨家作沙門修無上  
清淨事現在不久自以功德作證念道行盡

生死具足梵行所作已辦不復更餘事也是  
四種人有起成慧之行者得尊無所著阿羅  
漢也梵摩三鉢天尔時說偈言

刹利種爲人尊

諸人民行種姓

從起信成慧行

彼天上人中尊

彼梵摩三鉢天受是偈不受惡說善事不說  
惡言勸助是佛言我如來無所著等正覺亦  
說是義偈

諸人民行種姓

從起信成慧行

彼天上人中尊

佛說是經時八萬四千天人遠塵離垢法諸  
法眼生無央數比丘起無餘不受生死苦意  
得解脫佛說如是比丘歡喜前爲佛作禮而  
去

十界

容六

樓炭經卷第六

撮七活反効效二同胡瑕穢上戶相襲下音乞  
勺下亦作弓四微下音掬日菊上音棄捐錄下音屏

處上餅反羅閱下音穫穫胡郭莖礪下俱輸式朱  
椎擊上直反租子姑子姑蚊蚩莫庚反蚤風莫庚反蚤風早下音  
所乙綻上烏軟反延璧之上鋪反齊細在下音延璧之上鋪反齊細在下音

奉佛等資德奏大司農河南王等處行中書宣敕朱清鑒家等  
金匱太藏經板一千卷捨平江路礦澄聖永遠流通

大德五年辛丑九月 日

謹題